

մխդ.

Ի ստամպոլու գիր առի, յորում գրի. ի խալճի հրէայս խաբէութիւն գտեալ արտաքսեցան ի տարապխանայէ աւելի քան զհազար, և ի տեղի նոցա հայք յաջորդեցին. և զտիւզողլու միքայէլ աղայն խալճի պաշի արարին: Թագաւորին դուստր մի ծնաւ և արարեալ են տօնանմայ զաւուրս հինգ: (Մեղգոնեան առ Հ. Մկրտիչ, 1763 յունվ. 22. [Ս. Ղազար]):

մխե.

Ջանքատիւմ կոչեցեալ խանն ըսպահանու ելեալ ճՌ ասգեարով, բոլոր աճամիստանն յաւար հարկանելով և իւր պետութեան ենթակայ առնելով, եկն և եհաս ուռմիայ, այժմոյս ուռմիայ շրջապատեալ են զօրքն և ինքն նստեալ է ի քաղաքն թարվէզ... մեր խօտրջրոյս Բ տղայ թարվէզու էկին, նոքայ ստուգապէս պատմեցին: Սահակ վարդապետն որ մակ անուամբ կոչիր ահագին, յանկարծակի մահուամբ մեռաւ, ոչ խոստովանութիւն և ոչ սրբութիւն և ոչ կտակ. Ըճ քսակն յելաւ: (Տէր Յակոբ Տէր Ղազարեան քա՛ւանայ ի խոտրջրոյ առ Մեղգոնեան, 1763 մարտ 17. [Խոտրջրոյ]):

մխզ.

Յաւուրս յայտոսիկ աստ առաջի լիտոյին գոյր պէյլիկ նաւ մի, որ սպասէր մտանել ի յիւր մանն. և յանկարծ յարեաւ հողմն սաստիկ արեւելեան և նաւն գոլով յոյժ հին և չհանդուրժեալ բռնութեան հողմոյն խորտակեցաւ, և իբր չորս հարիւր անձինք հեղձան ի ծովն արք և կանայք և տնվորք մտեալ ի նա ի զանազան տեղեաց գալ ի վէնէտիկ: (Մեղգոնեան առ Հ. Զաքարիա, 1763 մարտ 19. [Ս. Ղազար]):

մխե.

Լինելի տօժն է մեր բրօգուրաթօռ մօշինիկոյն, որ ստիպեալ յեղբօրէն յանձն էառ զտօժու թիւնն, զի ինքն ոչ կամէր. բայց զի մի տրտմեցուցէ զեղբայրն զիջաւ: Սորա զամենայն ծախսն, իւր եղբայրն տեսանէ վասն պատուոյ տանն, և այն զաւալերութիւնն, որ անկանի ինքեան, տայ միում եղբօրորդւոցն և ինքն ապաթիի զգեստ զգենու: Այլ այն կարծիք, թէ զամուսնացեալն ոչ առնեն տօժ, և թէ եթէ իցէ ամուսնացեալ հրաժարիլ պարտի, անհիմն կարծիք է: (Մեղգոնեան առ Հ. Մկրտիչ, 1763 ապրիլ 10. [Ս. Ղազար]):

մխը.

Ընդ մեռանիլ երկրորդի արքայի ռահիտ կոչեցելոյ իւրով մահուամբ, որ եղև ի 8 ապրիլի ըստ նորոյն, ի բանտ արկան երեք լուսայափողքն նորին անուանիք, և դեռ ի բանտի պօստան ճիպաշիին կան, և մնան յետ պայրամին տալ զհամար տուրեառութեան, զի ասի թէ պահանջի ի նոցանէ 18000 [տ]աղանդ արծաթոյ, և կարծեմ թէ մահ ևս լինիցի միում ի նոցանէ, որ երբեմն աշակերտ էր մխլայիմիին: (Հ. Իգնատիոս առ Մեղգոնեան, 1763 ապրիլ 19. Կ. Պոլիս):